

河陰縣志

第一冊

共和七載秋九月

河陰縣志

閔葆德署

河陰縣志序

縣之有志猶國之有史也志之與史具體而微史有體有義有例體不嚴則義不正義不正則例不明事繫於文文

根於事務博病濫過峻近疏率爾榛蕪貽囑來詰是故修志之難與作史等非其人固莫與屬也河陰置縣近千餘年舊志失修更二百載史才

不作文獻無徵賴胡孫兩縣
令賡續規隨復聘睢陽蔣孝
廉以綜其事摩挲筆簡練閱五
寒暑而始告厥成全書都廿
二卷體必嚴義必正例必明

表若列眉圖如指掌傳惟徵
實考不厭詳多縣有志以來
罕與其匹蔚然國史之具體
矣事既竣會牒來請序既嘉
兩縣令後先維持之力褒佩

蔣孝廉鄒深遠詣之精因弁
數言以告汝之讀是志者
中華民國六年季秋之月河
南省長漢陽田文烈序

河陰縣志序

自竇章氏之書出而人知郡邑志乘竇爲史家之支子體例必原本於史不得如稗官小說之荒誕謬悠秉筆者得所步趨焉河南一省之以邑名者計一

百有八有志者十之七八而惟武靈谷所脩者爲善其餘固未可一例觀也鎮海胡君巽青宰河陰以其縣分合無常舊志陋略無足觀蘇氏之稿又乏體要旣獨爲縣宜於古今有所徵信

乃慨然於修志之舉未畢移拓
城復徇其邑人之請援書局自
隨之例終身訖事書成乞序於
余余取而觀之如沿革斷代自
唐不沿緣於古初疆域不泛及
星埜固知所以裁之而有合於

章氏之說金石一門搜殘拾墜
致力尤深此皆行史之意而藉
於他邑之志者所惜者河陰典
藉散佚唐宋之際固云遙矣卽
有明一代冠蓋稱盛而傳書不
少概見以賴氏爲其邑之耆宿

斷手在數十年以前而無所尋
焉則固未如之何耳
中華民國六年十二月開封道
道尹仁和葉濟序

河陰介居滎汜開唐開元中始置縣清乾隆併滎澤民國元年復析三年六月余奉檄宰斯土時縣治初復百廢待舉而纂修志乘則高明府仰之實創其始治余至書將成矣然觀其文辭體製頗多出入迺介高明府聘項城劉文國明經主其事甫三月劉君以親疾辭歸里眷戀庭闈不復遠

出余更延蔣恢吾孝廉於杞四年春蒞局特屬其規畫方略區分門類商榷義例為編纂之則細則數十事又病事實之疏略也訂采訪條例遴邦人士分其職迄兩月就理迺取前編更易之其沿革疆域山川古蹟風俗物產兵事由邑人陳君子翼分修建置民賦學校藝文職官選舉宦蹟人

物列女雜記文徵歸蔣君編輯而金石一
門蔣君與陳君因事參稽圖則董君子齊
司之張君子昂復為之考察調度不辭勞
勩而余此時以管蠡臆說參與其間十閱
月稿復具先是河陰舊志為康熙時申侯
奇彩所纂同光閬邑人蘇孝廉子羽踵而
成之而鄭縣周海人明府任榮澤時曾輯

榮河志略數冊余欲彙萃諸家博觀約取
乃假以歸並假其奏銷確冊河南通志以
資考據適東阿周世臣觀察自皖來豫與
有夙好因偕蔣君親詣是正而金石考訂
指示尤切惟是資用匱乏勢且停滯余乃
邀蔣君課子姪治函牘仍以其暇盡義
務會余與杞城孫明府互調蔣君將因往

邑紳咸懇以書局自隨明府亦力贊此舉
且以集款錄木慨然自任請於上得報可
既抵柘反覆全書衡量去取一義之定必
觀會通一事之徵必求原本一辭之遺必
權輕重又期月始告竣蓋蔣君以一人之
力兼營並治矻矻晨夕固宜其歲事之不
易也所歉者文獻凋殘時日短促於前代

名官人物之功業著述不遑一一蒐討此
則時勢所絀非諸君子之咎也書成都二
十二卷計擬諸舊志及蘇周兩志者十之
三取諸初稿者十之二此次采訪撰著者
十之五而貫串融冶辨疑訂誤拾遺補缺
以蘄歸於潔者或視舊志有微長焉既上
於當事將歸之而繡諸梓余例得綴言簡

未故為之次其顛委如此若曰殫心畢慮
終始其役以告厥成功則吾豈敢
中華民國六年秋九月調署柘城縣知事
前署河陰縣知事鎮海胡荃序并書



河陰縣志後序

河陰志書既成胡其青明府以書抵
余鈔寄所為目錄並請為序以綴簡
末自維譾陋於志書烏能有所表見
惟於義有不容固辭者余於河志忝
為發起之一人且當縣治初復時首

先捧檄承乏以邦其時蓋民國元年
九月也河陰古為縣治清乾隆時歸
併於滎至一百餘年而後復余下車
伊始經綸草創日不暇給嘗進諸父
老詢及志書一事既慨然以纂修為
己任迺在茲經年有志未逮於三年

三月回調署伊陽受代而去洎胡公
蒞任政治人和百廢具舉擬於案牘
之暇進紳民規畫修志之事官更興
地時閱兩年遂將次告竣其用志之
勤成功之速殆非余數端時所及料
而今竟如願以償也俛仰之間欣幸

深之矣爰考周禮小史掌邦國之志
三代以前九邱志九土之疆域雖典
籍不傳實為志書之濫觴近世省與
郡縣莫不有志成書之多幾於汗牛
充棟然求其體裁完整義例精嚴足
以傳後而信今者殊不多見大概沿

嚴舊聞成書較易故瑜瑕不免互見
獨河邑志書成於年久失修之餘簡
編滄佚文獻無徵任事者能於最短
時間參互考訂成此不朽之盛業則
秉筆諸君子搜遺訂墜之功為不可
沒而是書之價值亦當如球圖拱壁

之彌足寶貴也余治河年餘愧無功
德能及於民於志書之修喜胡公能
成余未竟之志且其書卓然可傳也
於是援筆而敘為之序民國六年十
一月二日署理直隸新城縣知事前
署河南河陰縣知事項城高廷璋序

河陰縣志序

河陰地志佚於明撰於清今所遺者
康熙時中公奇彩所輯舊本也申書
纂擬史裁載擇簡率其文不雅飾薦
紳先生難言之自時廢後邑為滎澤
所併歷百數十載義同庸附專志闕

如民國建元縣號得光復邑人鑒於
是書之流失廢墜亟思所以紹述而
垂後也因得請於胡公翼青總其任
宏蒐博纂且屬藁矣乃柱史紛存伯
陽遽去既而孫公虎卿續其事斟文
校誤將付棗也乃吳書方就梁廣云

亡適鄙人承乏是邦竊附於大雅著作之林流覽政要舉夫所見世所聞世極於傳聞世之歷歷陳迹用得鑄為官本昭示來茲備哉璨爛一邑之大觀在是矣吾聞天下事有憑藉者易為力斟酌依据者難為功河陰最爾

彈丸經髮捻兩番兵燹文獻蕩然時往風微茫無故實屬以大漢初定難求秦籍於家藏王隱修史又缺庾酬之紙費從事諸君子如張仲子昂陳仲子翼董仲自齊等乃竟各效專長不言勞瘁旁微近政日與蔣孝廉恢